



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De fide Petri vel Romanæ Ecclesiæ. tit. 36

urn:nbn:de:hbz:466:1-29452

ritum Christi, ex æquo pro omnibus promeritum: Atque vnus plus gratus est altero, & eo melius vel tur in maius commodum. Et ideo ex illo vnico merito Christi plus vel minus de præmio & gaudio recipit corporaliter & spiritualiter, hic & in futura vita.

DE FIDE PETRI, VEL

Romane Ecclesie.

TITVLVS XXXVI.

TRIA sunt notanda. Primò, quòd sola fides Petri aut Romanæ Ecclesie, est vera, quæ saluat, & nulla alia in toto mundo. Secundò, quòd nulla fides cuiuscunq; etiam sectæ sic in vniuerso mundo denunciatur sicut fides Petri & Romanæ Ecclesie. Tertio, quòd licet fides Petri & Romanæ Ecclesie turbabitur, non tamen vincetur aut extinguetur ante iudicium futurum, à nulla potentia Tyrannorum aut malitia hæreticorum.

Primò, hæc fides Petri, Tu es Christus filius Dei viui, Matt. 16. est sola vera fides in toto mundo. Nam pro illa sola orat Christus ne deficiat Lu 22. Si enim non esset vera, Christus nõ rogasset pro illa: Nec beatificasset Petrum & omnes hoc credentes. Nã inquit Christus Matth. 16. Beatus es Simon Bar Iona &c. Secundò est vera, quia pater eam reuelauit, Mat. 17. Hic est filius meus dilectus, ipsum audite, Mat. 4. Non ergo ex indoctis fabulis, est hæc fides, inquit Apostolus Petrus, 2. Pet. 1. Ipsi nos audiimus hanc vocẽ de celo delapsam: Tu es filius meus, &c. Etiam habemus Propheticum sermonem Psalm. 2. Filius meus es tu, ego hodiẽ genui te, &c. Si enim non esset vera hæc fides, pater non eam reuelasset. Non excusantur ergo Iudei & Gentes Christum contemnes, 1. Corin. 1. Nos prædicamus Christum, &c.

Secun-

Secundò, hanc fidem Petri quam tenet Romana Ecclesia, facit Deus denunciari per vniuersum mundum, de qua plurimùm gaudet Paulus Roma. 1. Gratias, inquit, ago Deo meo, quia fides vestra in Christum, denunciatur in vniuerso mūdo. Et Dauid Psal. 18. In omnem terram exiuit sonus eorum, id est, fama Euangelij, & in fines orbis teræ verba eorum, Rom. 10. Et Christus dicit Marci vltimo Apostolis: Ite in mundum vniuersum: non iubetur fides Iudaica aut Gentilicia sic prædicari in vniuerso mundo &c. quia sola hæc Christi fides est vera & salutaris.

Tertiò, prædixit Christus Petro, Luc. 22. quòd fides sua impugnabitur, sicut triticum in cribro &c. Sed ego rogavi pro te, vt nō vincatur fides tua, id est, Mea oratio efficax est apud patrem, sic quòd non vincetur & eradicabitur fides tua, etsi tyranni & hæretici contra eam pugnabunt, sed nec portæ inferorum spirituales, id est, vitia & peccata, nec visibiles tyranni præualebūt. Tu ergò tempore hæresum & persecutionum confirma fratres tuos. Et ad te & fidem tuam respiciant tribulati tempore persecutionis. Fides igitur hæc Petri vincet omnes aduersarios propter Christi adstantiam.

At dices: Hanc fidem Petri, Tu es Christus filius Dei viui, omnes hæretici habent & fatentur: ergò omnes saluantur? Resp. Ioānes Euangelista & Apostolus 1. Ioan. 3. dicit, Hoc est mandatum eius, vt credamus in nomine Iesu Christi filij eius, & vt diligamus alterutrum. Hæretici tamen fatentur fidem, non tamen habent charitatem, id est, vnitatem, sine qua fides est inefficax, 1. Corinth. 13. Si habuero omnem fidem &c. Sed odium hæreticorum non extinguet fidem &c. Hæc etiam experientia docet in Africa, Germania, Bohemia, & alijs regnis & ciuitatibus, quæ vbi primùm se retraxerunt à sede Apostolica & fide Petri,

Petri, ilicò facti sunt hæretici, & in varia schismata inciderunt, & postea amissio fidei secuta est. Et hoc etiam est vnum studium concionatorum schismaticorum, vt populum auertant ab obedientia & fide Petri. Sic Donatistæ in Africa, Arriani in Græcia, Hussitæ in Bohemia, Lutherani in Germania. Sic duo imperia, 12. regna, 800. ciuitates grandes, postquam à fide Petri & sede Apostolica recesserunt, secutæ sunt multæ clades, bella, homicidia: sed quàm diù manserunt sub fide & obedientia Petri, illa regna & ciuitates, tunc nihil potuerunt sectæ, & conseruata est pax. Nam Christus orauit pro fide & sede Petri, & nõ sectarum. Luc. 22. Et hæc habet promissionem, quia portæ inferorum non præualebunt, Matth. 16. Constantinopolis in fide Christi perseuerauit 1100. annos & 21. sed propter schisma Arrianum, quia reliquit Romanæ Ecclesiæ fidem & obedientiam, à Turca est usurata, sic etiam Antiochia in qua erant 366. Ecclesiæ. Videat Germania &c.

Romani olim vt possent dominari omnibus Gentibus, permiserunt & dederunt cui libet prouinciam & ciuitati Deum, quem petebant. Nam videntes populos amaricatos, & factos rebelles regi Assyriorum Nabuchodonosori, quòd per Holofernem omnes illorum Deos exterminare fecit, vt solus regnaret, Iudith 3. ideò promiserunt, vt aliqui Herculem, Iouem id est, mortuos homines, aliqui talpas & vespertilio. nes Esai. 2. aliqui bouem, vt Aegyptij: Aliqui draconem vt Babylonij, Daniel. 14. &c. Hæc Lyra super illud Roman. 1. Mutauerunt gloriam Dei, &c. Sic hodie principes & potètes, vt solùm dominari possint, permittunt eos acceptare fidem & sectam, quam voluerint, Lutheranam, Zuinglianam, &c. Nemo ponderat Paulum, qui dicit, Ephe. 4. Vna fides, vnum Baptisma, & 1. Corint. 13. Si habuero omnem fidem, non autem charitatem, id est, vnitatem & cæt. At sicut

peccarunt Romani grauissimè, & etiam puniti sunt, sic iam potestas peccat, hanc libertatem credendi permittens.

QUID SIT FIDES.

TITVLVS XXXVII.

Fria sunt notanda. Primò, quid sit fides Christiana. Secundò, Cur Deus illam exigit ab homine: Tertiò, Qui sint fructus eius. Primò, fides est fiducia certa consequendarum rerum, quæ promissæ sunt a DEO, pœnitenti corde propter Christum. Hebr. 11. Fides est substantia, id est, certa fiducia, non dubitatio, non opinio: qui enim dubitat, Deum mendacem facit, id est, tenet eum pro incerto in suis verbis & promissis, 1. Ioann. 5. Secundò, ad impetranda illa quæ sunt promissa propter Christum, qualis est remissio peccatorum. Act. 10. Huic omnes prophetæ testimonium perhibent, & c. Donatio Spiritus sancti, Ioan. 14. Vita æterna, Ioan. 3. quam dabit pater in nomine meo: & c. Qui credit in filium, habet vitam æternam. Tertiò, Pœnitenti corde. Nam promissio misericordiæ non apprehenditur sine pœnitentiâ cordis & contritione, Marc. 1. Pœnitimini, & credite & c. Quartò, propter Christum, qui est causa misericordiæ, non tua fides & opera. Coloss. 1. Complacuit patri sibi omnia, & c. Nota, fides est substantia, id est, fundamentum: at supra fundamentum erigitur ædificium, id est, bona opera, 1. Corinthior. 3. Fundamentum est Christus & c. non ergo ociosa est cogitatio fides.

Secundò, Deus exigit & præcipit fidem, vt sciat homo, quòd habeat superiorem dominum, à quo omne venit, quod est & habet bonum, vt in illum solum speret, illum solum diligat & timeat, Iaco. 1. omne donum bonum, & omne donum perfectum; 2. Corint. tertio.

K k Non